

վարչական տույժ նշանակելու մասին

13 հոկտեմբերի 2020թ.

ք. Գյումրի

ՀՀ ՊԵԿ Հյուսիսային մաքսատուն-վարչության պետի ժ/պ Նարեկ Գևորգյանս, քննելով Վահե Արայիկի Մանուկյանի (անձնագիր՝ AP0600410, հասցե՝ ք. Երևան, Շենգավիթ, Ն Շենգավիթ 11փ, 1-ին նրբ, տուն 13) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

Վահե Արայիկի Մանուկյանը 04.09.2020 թվականի թիվ 05100033/040920/0035364 տարանցման հայտարարագրով Բագրատաշենի մաքսային կետ-բաժին անցակետով ՀՀ տարածք ներմուծել BMW մակնիշի, VIN-WBA3C1G50DNR47797 նույնականացման համարով փոխադրամիջոց, որի նշանակման մաքսային մարմին՝ Հյուսիսային մաքսատուն-վարչություն հասցնելու վերջնաժամկետն է 14.09.2020 թվականը:

Մաքսային հսկողության ներքո գտնվող տրանսպորտային միջոցը և ուղեկցող փաստաթղթերը Հայաստանի Հանրապետության մեկ մաքսային մարմնից մյուս մաքսային մարմին սահմանված ժամկետում չեն հասցվել:

Դեպքի կապակցությամբ 16.09.2020 թվականին Վահե Արայիկի Մանուկյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 195-րդ հոդվածի հատկանիշներով:

Գործի քննությունը նշանակվել է 13.10.2020թ. ժամը 11:15-ին: Արձանագրության և ծանուցագրի օրինակը պատշաճ կարգով ուղարկվել է կողմին: Վահե Արայիկի Մանուկյանը չի ներկայացել գործի քննությանը, որն է առարկություն, բացատրություն չի տվել:

ՀՀ մաքսային օրենսգրքի 195-րդ հոդվածի համաձայն՝ Հայաստանի Հանրապետության մեկ մաքսային մարմնից մյուս մաքսային մարմին մաքսային հսկողության ներքո գտնվող ապրանքները կամ տրանսպորտային միջոցները սահմանված ժամկետում չհասցնելը՝ առաջացնում է տուգանքի նշանակում՝ 100.000 ՀՀ դրամի չափով:

Ելնելով վերոգրյալից և ղեկավարվելով ՀՀ մաքսային օրենսգրքի 195-րդ, 206-րդ և ՀՀ վարչական իրավախախտումների վերաբերյալ օրենսգրքի 32-րդ և 234-րդ հոդվածներով՝

Ո Ր Ո Շ Ե Ց Ի

1. Վահե Արայիկի Մանուկյանին ճանաչել զանցառու ՀՀ մաքսային օրենսգրքի 195-րդ հոդվածով և նրա նկատմամբ նշանակել վարչական տուգանք՝ 100.000 ՀՀ դրամի

չափով (վարչական տուգանքն անհրաժեշտ է փոխանցել 900005024055 հաշվեհամարին, նշելով Հյուսիսային մաքսատուն-վարչության կողմ' 28):

2. Որոշման մասին հայտնել Վահե Արայիկի Մանուկյանին:
3. Որոշումը կարող է բողոքարկվել վերադաս մաքսային մարմին կամ դատարան որոշումն ուժի մեջ մտնելուց հետո երկամսյա ժամկետում:

ՀՅՈՒՍԻՍԱՅԻՆ

ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏԻ

ԺԱՄԱՆԱԿԱԿՈՐ ՊԱՇՏՈՆԱԿԱՏԱՐ

Ն. ԳԵՎՈՐԳՅԱՆ

1883070